

**Bosna i Hercegovina
Ministarstvo odbrane-obrane**

Broj: 04- 50-4874 /09
Sarajevo, 13.11.2009.godine

01/a-50-1-15-62-1
20.11/09

PRIMLJENO			
Organizaciona jedinica	Redni broj	Broj priloga	
01-50-1-15-62/09			

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

PREDMET: *Odgovor na poslaničko pitanje poslanika, gosp. Rifata Dolića*

Veza: Vaš akt broj: 01/a-50-1-15-62/09, od 19.10.2009. godine

Gospodin Rifat Dolić, poslanik u Predstavničkom domu Parlamentarne skupštine Bosne i Hercegovine, na 62. sjednici Predstavničkog doma održanoj 14.10.2009. godine, postavio je ministru odbrane Bosne i Hercegovine sljedeće poslaničko pitanje:

"Kakva je zakonom propisana procedura uništavanja viška naoružanja ili naoružanja koje ne zadovoljava usvojene standarde u oružanoj komponenti BiH i da li je do sada bilo zloupotreba i bilo kakvog nepropisnog ponašanja odgovornih ljudi i institucija po ovom osjetljivom pitanju"

U prilogu akta, Ministarstvo odbrane Bosne i Hercegovine dostavlja odgovor na poslaničko pitanje u skladu sa članom 155. stav (3) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 33, 41, 81, 91/06 i 91/07).

S poštovanjem,

Prilog: Kao u tekstu

Dostavljeno:

- naslovu
- a/a



MINISTAR

dr. Selmo Cikotić

ODGOVOR NA POSLANIČKO PITANJE

U Bosni i Hercegovini ne postoji zakonska procedura koja uređuje oblast uništavanja viškova naoružanja i municije Oružanih snaga Bosne i Hercegovine. Iz navedenog razloga, sa ciljem uređenja procedura i postupaka za rješavanje viškova naoružanja i municije Oružanih snaga Bosne i Hercegovine i nadležnosti u ovoj oblasti, Ministarstvo odbrane Bosne i Hercegovine je od svog osnivanja izradilo sljedeće dokumente:

- Politika rješavanja viškova naoružanja i municije Oružanih snaga Bosne i Hercegovine (u daljem tekstu: Politika), januar 2007. godine,
- Smjernice za realizaciju aktivnosti u oblasti uništavanja viškova naoružanja i municije Oružanih snaga Bosne i Hercegovine (u daljem tekstu: Smjernice), januar 2007. godine.

Politikom je uređeno poduzimanje sistemskih mjera i aktivnosti institucija odbrane Bosne i Hercegovine u oblasti rješavanja viškova naoružanja i municije Oružanih snaga Bosne i Hercegovine, radi:

- doprinosa u stvaranju stabilnog i sigurnog okruženja u Bosni i Hercegovini,
- racionalizacije troškova,
- implementacije obaveza u skladu sa UNDP-ovim Projektom kontrole i redukcije malog oružja i municije (SACBiH),
- implementacije međunarodno preuzetih obaveza Bosne i Hercegovine u skladu sa relevantnim rezolucijama UN-a, dokumentima OSCE-a i drugim dokumentima iz oblasti kontrole naoružanja i izgradnje mjera povjerenja i sigurnosti.

Politika predviđa rješavanje viškova naoružanja i municije na dugoročnoj osnovi putem njihove prodaje, doniranja i uništavanja. Pri navedenom, predmet prodaje i doniranja mogu biti viškovi koji ispunjavaju propisane zahtjeve kvalitete i sigurnosti. Politika je podržana Zaključkom Predsjedništva Bosne i Hercegovine sa 38. sjednice, održane 28.05.2008. godine.

Cilj Smjernica je poduzimanje sistemskih mjera za implementaciju Politike. Iste po prioritetima predviđaju dvije faze uništavanja viškova sredstava, i to:

- faza uništavanja nesigurne municije i neispravnog naoružanja,
- faza uništavanja ostalih viškova naoružanja i municije.

Smjernice preciziraju aktivnosti za svaku fazu uništavanja viškova naoružanja i municije, te utvrđuju da su nosioci realizacije aktivnosti Ministarstvo odbrane i Oružane snage Bosne i Hercegovine u saradnji sa UNDP.

Od formiranja Ministarstva odbrane Bosne i Hercegovine, nije bilo značajnijeg uništavanja naoružanja sa zaliha Oružanih snaga Bosne i Hercegovine. Uništavanje ograničenih količina malog i lakog naoružanja vršeno je u prvoj polovini 2006. godine. Ovo uništavanje vršeno je u suradnji sa UNDP u okviru projekta SACBiH, te na osnovu odluka ministra obrane Bosne i Hercegovine. Uništavanje je vršeno pod nadzorom UNDP-a, EUFOR-a, OSCE-a i promatrača iz nevladinih organizacija. Poslije okončanja ovih aktivnosti, nije bilo uništavanja naoružanja sa zaliha Oružanih snaga Bosne i Hercegovine.

Uništavanje naoružanja koje se prikuplja od građana u operaciji "ŽETVA" vrši se u organizaciji entitetskih struktura civilne zaštite i ministarstava unutrašnjih poslova. Oružane snage Bosne i Hercegovine daju podršku ovim aktivnostima u smislu skladištenja i uništavanja prikupljenih sredstava. Sva uništenja se izvode pod nadzorom Oružanih snaga Bosne i Hercegovine i EUFOR-a, tako da su tokom istih isključene mogućnosti zloupotrebe.

Obavezna procedura prilikom uništavanja naoružanja je sačinjavanje zapisnika o uništavanju sa evidentiranjem uništenog naoružanja po serijskim brojevima.

Od 01.01.2006. godine, Ministarstvo odbrane Bosne i Hercegovine i Oružane snage Bosne i Hercegovine kontinuirano vrše uništavanje nesigurne municije sa zaliha Oružanih snaga Bosne i Hercegovine. Ove aktivnosti se odvijaju po odobrenim planovima i odlukama ministra obrane Bosne i Hercegovine, nakon izvršenih kontrolno-tehničkih pregleda i preporuka Zajedničkog štaba Oružanih snaga Bosne i Hercegovine.

Uništavanje municije vrši se metodom delaboracije i metodom detonacije. Uništavanje municije metodom delaboracije vrši se u vojnoj radionici "TROM" Doboj i u tvornicama namjenske industrije "UNIS-PRETIS" Vogošća i "BINAS" Bugojno. Uništavanje municije metodom detonacije vrši se na poligonima „Manjača“ Banja Luka i „Gladna Brda“ Glamoč.

Kao metod uništavanja nesigurne municije koji ima najmanje moguće štetne uticaje na ljude, materijalna dobra i okoliš, Ministarstvo odbrane Bosne i Hercegovine preferira postupak delaboracije. Ovaj metod uključuje razlaganje municije na sastavne komponente i uništavanje eksplozivnih punjenja odgovarajućim hemijskim postupkom.

Uništavanje municije obuhvata proces čija realizacija iziskuje angažman značajnih ljudskih, materijalnih i finansijskih resursa. U uslovima nedovoljnih budžetskih sredstava i ograničenih kapaciteta u radionici "TROM" Doboj, Ministarstvo odbrane Bosne i Hercegovine realizira projekat delaboracije nesigurne municije sa vanjskim saradnicima, uz pomoć UNDP. Vijeće ministara Bosne i Hercegovine je 2005. godine sa UNDP potpisalo Memorandum o razumijevanju o pružanju pomoći Oružanim snagama Bosne i Hercegovine u uništavanju nestabilne municije, koji se realizira u okviru UNDP-ovog projekta SACBiH. Ministar odbrane Bosne i Hercegovine i rezidentna predstavница UNDP potpisali su dana 22.06.2009. godine revidirani Projektni dokument SACBiH, kojim je vremenski okvir saradnje sa UNDP produžen do 2011. godine. Vrijednost ovog projekta je 2,7 mil. Eura.

U kontrolu procesa uništavanja municije, pored UNDP kao ugovorne strane, uključeni su EUFOR, NATO, OSCE i druge međunarodne organizacije koje se bave praćenjem ove problematike.

Od formiranja Ministarstva odbrane i Oružanih snaga Bosne i Hercegovine i preuzimanja nadležnosti ovih institucija u oblasti uništavanja viškova naoružanja i municije, nije bilo registriranih zloupotreba ili bilo kakvih oblika nepropisnog ponašanja odgovornih ljudi i institucija. Posebno nije bilo nepravilnosti koje bi se mogle povezati sa organiziranim kriminalom i ilegalnim tržištem.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-13/10
Sarajevo, 14.1.2010. godine

01-
14.01/10.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	14.01.2010		
Organizaciona jedinica	Klasifikaciona oznaka	Redni broj	Broj priloga
01-50-1-15-62/09			

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 111. sjednici održanoj 13.1.2010. godine, utvrdilo je Odgovor na zastupničko pitanje koje je postavio gosp. Rifat Dolić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA VIJEĆE MINISTARA

Broj: 05-50-1-13/10
Sarajevo, 13.1.2010. godine

Rifat Dolić, poslanik u Predstavničkom domu Parlamentarne skupštine Bosne i Hercegovine, na 62. sjednici Predstavničkog doma Parlamentarne skupštine Bosne i Hercegovine održanoj 14.10. 2009. godine postavio je sljedeće pitanje:

„U kojim zdravstvenim ustanovama u BiH se danas može obavljati liječenje karcinoma kemo-terapijom, koliko je prosječno čekanje pacijenata na ovu propisanu terapiju i postoji li objektivna potreba za modernizaciju postojećih i osposobljavanje novih zdravstvenih ustanova, za obavljanje ovakve vrste terapije?“

Na postavljeno poslaničko pitanje Savjet ministara Bosne i Hercegovine je na 111. sjednici održanoj 13. 1. 2010. godine, utvrdio sljedeći odgovor:

Federacija Bosne i Hercegovine

Liječenje karcinoma kemo-terapijom u zdravstvenim ustanovama u Federaciji BiH se može obavljati u: Kliničkom centru Sarajevo, Kliničkom centru Tuzla, Kliničkoj bolnici Mostar, Kantonalnoj bolnici Zenica i Kantonalnoj bolnici Bihać. Klinički centar Sarajevo, Klinički centar Tuzla i Klinička bolnica Mostar su osposobljeni za pružanje usluga kemo-terapije za sve vrste malignih oboljenja. U Kantonalnoj bolnici Bihać kemo-terapijom se liječe određena onkološka oboljenja i to samo za pacijente iz Unsko-sanskog kantona. U Kantonalnoj bolnici Zenica program liječenja kemo-terapijom otpočet je 2008.godine za određena onkološka oboljenja i samo za pacijente Zeničko-dobojskog kantona.

U Kliničkom centru Univerziteta Sarajevo kemo-terapijom se liječi najveći broj pacijenata, jer su terapijom obuhvaćeni pacijenti sa najtežim oblicima malignih oboljenja sa područja cijele Federacije BiH, osim pacijenata iz Tuzlanskog i Hercegovačko-neretvanskog kantona. Pacijentima kojima se kemo-terapija pruža ambulantno maksimalna dužina čekanja je sedam dana. Za pacijente za koje je neophodan hospitalni tretman odnosno ležanje na klinici, zbog ograničenih posteljnih kapaciteta, dužina čekanja na terapiju je do 30 dana. Međutim, treba istaći da je broj pacijenata sa malignim oboljenjima kojima se indicira kemo-terapija u stalnom porastu. Prema podacima iz Kliničkog centra Sarajevo kemo-terapiju dnevno u prosjeku primi 50 pacijenata, a sedmično se u prosjeku izvrši oko 70 prijema pacijenata za hospitalni tretman. Klinički centar Sarajevo je, prema informacijama iz ove ustanove po pitanju opreme i stručnog kadra adekvatno osposobljen, ali je nedostatak posteljnih kapaciteta i nedovoljan je broj medicinskih sestara. U Kliničkom centru Sarajevo se uskoro (za 2 – 3 mjeseca), očekuje proširenje hospitalnih kapaciteta što će doprinijeti značajnom smanjenju dužine čekanja, odnosno uključivanje pacijenata u terapiju neposredno po uspostavljenoj indikaciji za kemo-terapiju. Za ostale centre nemamo podataka o dužini čekanja na kemo-terapiju, jer do sada nismo imali prigovora po pitanju dužine čekanja.

Što se tiče pitanja o potrebi modernizacije postojećih ili osposobljavanja novih zdravstvenih ustanova za obavljanje kemo-terapije, mišljenja smo da je navedenih pet zdravstvenih ustanova dovoljno za pružanje usluga kemo-terapije, ali da postoji potreba za daljim

unapređenjem, kako po pitanju prostora i opreme tako i u pogledu osposobljavanja i edukacije mladih kadrova. Obzirom da liječenje onkoloških oboljenja spada u visokodiferenciranu zdravstvenu zaštitu i da je isto veoma skupo, otvaranje novih zdravstvenih ustanova za ovu vrstu liječenja bi bilo neracionalno i nepotrebno, osim u slučajevima nastavka terapije koja je prethodno uspostavljena u nekoj od navedenih ustanova, jer u tom slučaju nisu neophodna velika ulaganja, a pacijentima se obezbjeđuje brzi i jednostavniji tok liječenja.

Brčko Distrikt Bosne i Hercegovine

U Bolnici Brčko distrikta u okviru posebno organizovanog odsjeka za hemioterapiju provodi se liječenje karcinoma navedenom metodom. Poseban onkološki konzilij redovno analizira sve prijavljene slučajeve i propisuje vrijeme i način liječenja pacijenata navedenom metodom. Konzilij radi svakih petnaest dana, zbog angažovanja eminentnih stručnjaka koji nisu zaposlenici Bolnice i koji sa našim članovima konzilija koji nakon istog provode i nadziru izvršenje usluga, koliko je i praktično čekanje pacijenata na pružanje ovih usluga. Iznimno u slučaju nedostatka određenih citostatika na tržištu, što je do sada bilo veoma rijetko, čekanje na terapiju se produžava ali u prosjeku niti jedan pacijent ne čeka na terapiju više od 15 dana. Potreba za modernizaciju procesa, nabavku dodatne opreme i završavanje postojeće kao i poboljšanje ambijentalnih uslova boravka pacijenata u okviru dnevne bolnice uvijek postoje i mi činimo napore da iste postupno unapređujemo. Mišljenja smo da su korisnici usluga zadovoljni pružanjem navedenih usluga, što potvrđuju do sada provedene ankete.

Republika Srpska

U Republici Srpskoj, Klinički centri u Banja Luci i Istočnom Sarajevu, kao i opšte bolnice u Prijedoru, Doboju, Bijeljini i Trebinju, osposobljene su da u skladu sa odgovarajućim listama čekanja oboljelima od karcinoma, pružaju odgovarajuću hemo-terapiju liječenja. Fond zdravstvenog osiguranja Republike Srpske (u daljem tekstu: FZO) je za navedene zdravstvene ustanove nabavio i 10 laminarnih komora, odnosno osiguranim licima oboljelim od malignih bolesti, obezbjedio terapiju lijekovima sa liste citostatika. Lista citostatika u Republici Srpskoj, koja je urađena prema preporukama Evropskog onkološkog udruženja, obuhvata lijekove za sve vrste malignih oboljenja, te FZO troškove vezane za ovu vrstu liječenja snosi u cjelosti.

Podsjećamo da je u okviru Kliničkog centra Banja Luka, započeta i izgradnja Centra za radio-terapiju, čime će se značajno poboljšati liječenje oboljelih od malignih bolesti, ali i smanjiti broj pacijenata koji se na liječenje upućuju izvan Republike Srpske.